



稽留山人集目錄

第十九卷

敝帚集

詩一百五首

元日 贈吳孟舉 今年 訓徐希徵卽次元韻

送孫古隍明府之任南靖 題王止菴先生畫冊

無盡 三月送庶華旋里 三月晦前二日眉山太

史招同顯亭太僕岱麓太史子長明府慈仁寺看海

棠集字爲詩值徐健菴孟端士兩太史至同飲花下

送王子厚給諫請急歸里 趙爾合都諫寓齋午

集看梨花海棠 禁城春曉擬初唐體 四月五日

偕陳階六鄧叔奇蔣維章杜湘草陳緯雲胡妙山邀

芝麓先生伯紫甫草飲慈仁海棠花下 大司空王

胥庭先生招集青箱堂看牡丹賦呈 余佺盧大行

招同張宗緒陳藹公劇談有感 廣陵程穆倩以祚

明偶有譏彈緘詩辯白聊賦用答 四月望後一日

陪吳賡菴少司馬飲故少宰後園有感 初夏集何

蕤音侍御古藤書屋奉題長歌 送宋荔裳憲長之

任蜀中 送沈時偕旋里 嚴質人明經應舉入都

於其歸也賦以贈別 賦得小雨晨光內 喜

孫海門至賦贈兼呈望石先生 再送沈時偕

集字 送金方伯亦菴之任中州 四月辭楚幕之

辟呈徐健菴立齋昆季兩太史 集字 送董子長之

任甘泉 集字 端陽前四日同人集徐敬菴寓齋時敬

菴將有小星之喜 集字 夏日偕諸同人喜柱峰至

兼懷顧且菴家園 集字 訓方一峰 訓王汝祿

眉山以集唐詩十首見贈戲用人各體奉答二十韻

五日言懷 集字 雨後望西山 集字 柱峰招同

人小飲銷夏 集字 雨夜 長夏同顯亭眉山言懷

十韻 集字 夏日晚涼過顯亭寓齋共賦 集字 六

月七日顯亭招集高阮懷宋楚鴻周鷹垂鮑子韶朱

人遠卽席分韻得二蕭 燕山行 夏夕連陰招孫

海門姜定菴項眉山徐敬菴巖顥亭小飲待月 集字

訓吳妙山次韻 定菴京兆朝罷見過賦謝 集字

送徐電發還松陵卽赴錢塘梁明府幕次王古直

韻 七月朔定菴招同人詠榴得十韻 集字 鄧偶

樵候補留邸中夫人余子玉以書勸之納妾偶樵趣

裝歸同人賦詩以送其行次沈繹堂侍講元韻 七

月望日立秋同人集眉山寓齋分賦 集字 送階六

少叅之任隴右 題階六兄像次王阮亭韻 贈毘

陵毛子霞 閏七月一日曉起有作 贈宣城高阮

懷 閏七月七日和毛子霞寓園雅集之作 是夕

顥亭招楊以齋項眉山徐敬菴同飲 集字 次日聞

子霞席上拈杜工部遊何將軍山林首章韻人賦二

詩續有斯和 題毛子霞小像 石版橋西一草堂

為山陽張虞山賦 和張用霖同彭古晉張虞山沈

穆如集顥亭寓齋之作 中秋夕顥亭寓齋 集字

贈宋 牧仲 題施研山侍御五十壽冊時內擢

仍畱臺班 九月八日沈融谷鮑子韶移罇柯園雅

集分賦 訓張用霖紀別次韻 九日梁仲林少司

空招同黑窰廠登高賦 是日司空賦五言一章見

示再有斯和 毛子霞古蹟四詠以長歌和之 痛

飲行九月二十二日顯亭寓齋作 送蘊先姪還里

送王古直還里次毛子霞韻 題金式菴使君古

留堂堂在漣水即使君新安原籍村名 訓淮南程

婁東兼用贈別 訓周鄖山倒疊來韻 訓翁隴州

東山四首 壬子十月下浣五十賤誕邸門諸先生

四方高賢鄉里同學贈貽為壽漫成志謝 送葉元

禮之中州 送張漢霞歸里兼壽明年七旬 為王

古直母吳太君七旬壽 訓錢飲光 舍弟至 壬

子除日訪王山長久話作

稽留山人集第十九卷 壬子

詩一百五首

武水陳祚明肩倩甫著

元日

平明元日淚沾巾落魄無成五十春年齒頻加憐此子童
心猶有媿先人飲多實怕腸應腐使盡虛知錢有神楚老
獨醒漢老儉趣歸更得幾芳辰

贈吳孟舉

孟舉有宋詩選行世

論詩莫為昔人囿中唐以下同鄮後何代何賢無性情時
哉吳子發其覆丹黃十載心目勞南北兩宋撰集就名家
大篇各林立鏤版傳人百世壽亦師李杜慘淡成不與齊

梁靡麗鬪任真胸臆自傾吐得意才華故奔奏莫拘格調
嫌薄弱難得篇章安結構近時浮響日疏蕪矯枉宜將是
書救我開卷帙三嘆息日多未見慚固陋大雅何當正始
聞斯文實恐岐途謬布衣羸馬在風塵賣田刻書四壁貧
獨有聲名長不朽表彰前哲俟來人

今年

時方却楚蜀制
府蔡公之聘

今年五十稱翁可作賦談經是事慵竟恐偏枯風右厥祇
便偃臥日高春饗殮北首饑須給書記南征病嬾從下榻
獨依嚴太僕酒狂謬誤每優容

訓徐希徵卽次元韻

詩場推勁敵酒陣出偏師老漫輸三舍才名此一時風塵
俱是客雨雪但銜卮玉樹傀俄意堪人十日思

送孫古喞明府之任南靖

古喞辛
丑傳臚

新除姑試閩南宰高步曾空冀北羣盡識才名非百里那
堪臚唱後三君高科舊領儀曹貴令甲今覘吏事勤爲雨
農田耕海霧戴星官閣宿山雲琴聲細譜輿人誦花氣多
栽百和熏晴日街衢聞擊壤恬波鳴嶼已銷氛循良早見
徵書下獻納還將諫草焚到日燕山仍把袂瞻鳧莫漫惜
離分

題王止菴先生畫冊

其一

眠琴綠陰
上有飛瀑

飛瀑何曾見從來檢畫圖
名山廬阜遠禪理右丞俱琴曲
虛勞奏知音久已無幾時將短棹聊與泛南湖

其二

坐中佳士
左右修竹

無竹令人俗燕山不可游
況求佳士少誰信旅人愁
榆柳多能碧軒車驚若流
披圖思逸老苔上有輕舟

其三

脫巾獨步
時聞鳥聲

悵悵吾何適棲棲老不堪
寒山無片石茂樹想雙柑
睨睨棲叢蒼蒼茫入暮嵐
幽尋披妙繪景色似江南

其四

晴雪滿汀
隔溪漁舟

燕山三尺雪風捲旋成泥
白憶千峰曉清沿百折溪
一舟蓑笠小兩岸荻蘆齊
何日投竿去緣源或不迷

無盡

無盡棲遑淚窮途每傍人
任真惟倚老失意不羞貧
使酒誰能制佯狂未可嗔
百年窮餓客天地一微身

三月送庶華旋里

八年重見如當日三月爲歡
又此時一榼捲波終夕酒百
篇垂露入春詩欣看跋扈真
難敵謂我龍鍾已不辭無柰
玉河垂柳色每逢惜別故絲絲

三月晦前二日看山太史招同顛亭太僕岱麓太史

子長明府慈仁寺看海棠集字爲詩值徐健菴孟
端士兩太史至同飲花下

琳宮棠樹又芳菲乘暇招邀此息機密莠競從今日放繁
英稍逐午風飛酒頻酌我香醪有詩不如人好字稀況有
高明來不速任教酪酏未言歸

送王子厚給諫請急歸里

傳經濟美起登瀛青瑣還高直諫聲但草封章凌賈誼徒
虛左席召侯生糾彈上殿蒼鷹擊洗沐過橋駟馬行稍別
清風慚作頌重來明月羨升卿

趙爾合都諫寓齋午集看梨花海棠

海棠似錦梨如玉晴日暄妍麗景韶此地稀逢嘉樹殖開
時預恐落英飄藥欄置酒頻安席梧掖鳴珂始下朝競發
交枝紛照眼春風滿座泛醇醪

禁城春曉擬初唐體

帝里韶光復向晴雲開僊掌日華生山迎欲曙容如笑水
歛非烟色倍明天仗稍分垂柳細朝衣頻點落花輕翠微
遙映千門啓上苑風柔轉早鶯

四月五日偕陳階六鄧叔奇蔣維章杜湘草陳緯雲
胡妙山邀芝麓先生伯紫甫草飲慈仁海棠花下
禁城春去延晴晝梵宇朋從酌上公蔽芾棠陰新葉翠斑

璘苔隙落英紅花時已後尤須惜酒興於今未易雄長憶
追隨飛蓋日南皮賓客幾人同

其二

佳辰勝侶共追攀申伯樊侯待詔閒偶聚名流來邸第獨
憐下士老關山招邀曳履移天上盤礴開襟坐樹間九
十韶光垂欲盡莫辭沈醉負朱顏

大司空王胥庭先生招集青箱堂看牡丹賦呈

爛熳春光滿狹邪元公邸第盛繁華青箱堂構貽韋氏紫
萼欄栽出魏家食客頻來頭似雪酒筵羞映色如霞司空
元叶東京識高會宜簪洛下花

余佺廬大行招同張宗緒陳藹公劇談有感

宦跡淹郎署才名羨楚風經綸晁賈讓手筆許燕同投轄
筵長設傳觴酒不空何曾卑裋褐愛士挹虛衷

其二

客總知名士樽因燕語開盈虛隨物理跣跣惜時才交共
醇醪醉和兼異味來人倫須秉鑒風月更銜杯

廣陵程穆倩以祚明偶有譏彈絨詩辯白聊賦用答
好在程夫子天邊枉寄詩幽棲真大隱岐路獨安之品藻
堪誰信瑤華繫我思倘爲摹漢篆畱譜賤名垂

其二

書畫兼詩句多能做古人代耕刀筆用攷識鼎碑遵妙手
矜殊絕何人敢亂真悠悠非季路解謗爲搖扇

四月望後一日陪吳賡庵少司馬飲故少宰後園有
感

九京人去悲流水五畝園荒隱暮烟覓徑聽鶯來率爾及
門司馬倍淒然羣花開落依時節衆木榮枯變歲年此日
一罇同濺淚昔游曾泛酒如泉

其二

常陪公燕夜厭厭聯壁行園兩孝廉絳帳笙歌浮綠蟻碧
池觴詠坐明蟾十年永悼三台圻二惠重悲一個截柳徑

頻過遺淚迹啼痕今日更新添

其三

由來賓客傾三雅獨有名卿冠四科秋氣幾悲哀木落春
風忍見雜花多鄰家似舊休吹笛公子須婚爲執柯更掃
蒼苔陳几席杏花壇下引鳴珂

初夏集何蕤音侍御古藤書屋奉題長歌

吳江相國留朱邸歲歲春風發紫藤花吐垂瓔翻短穗幹
盤屈鐵蔓長繩東閣詩人來燕息西臺侍御氣憑陵焚草
初歸衣乍解據梧清暇檻還凭必逢勝日聊娛目亦爲憂
時忽拊膺徐徐煮茗泉聲沸淡淡焚香烟靄凝濡墨草書

仲蜀紙含毫作畫展吳綾此地已爲花作主開時更有酒
招朋正值清和風日麗稍約同人花下懋上座紀叟天下
賢西鄰許生名家裔吾老豈堪珠履客日斜亦駕柴車詣
白頭頻仰脰爲惜秀色可餐目交睨叢叢密密相蔽虧朶
朶絲絲競聯綴新月初生影故偏微風不起香方細盤行
膾炙魚肥鮮杯泛醇醪脂滑膩雜坐大有吳儂存稍時度
曲秦簫喚引喉如縷聞曼聲繁手遏雲駢衆藝哀羽俄擗
畫鼓柔清商小擊金鉦脆從知不醉定無歸翻使思歸淚
霑袂故鄉是處饒花木圭竇由來翳薜荔楊柳樹下好聽
鶯桃花時節宜斫鱖風塵久客何所爲草長花飛又今歲
種藤花十尺高

送宋荔裳憲長之任蜀中

公原任兩浙臬司

昌言利濟賢者勞使我養拙棲林臯河干但有三畝宅亦
種藤花十尺高

其二

危棧經新鑿烏樞失舊疆獨因移帑遠勞爲溯江長疊鼓
驚猿落前旌立馬望山川包郡邑到處問農桑

其三

邁種臯陶德能多公以才登高研賦捷破險勒銘來玉律

春秋合金滕風雨開刑因星使措裝趣月卿回

其四

地掘羌番逼威行奸宄銷清標眉嶺出文采錦江饒麻草
期三事棠陰在六橋無緣依後乘溪望浣花遙

送沈時偕旋里

時偕為顯亭壻入太學不俟秋試歸壽母以五月行

驚看玉潤奪水清偶聚欣聞求友聲痛飲頻愁飛酒瓊送
嘲真為絕冠纓思親白月中宵立為壽黃塵觸熱行簡練
定成知遇易解名何必在 天京

嚴質人明經應舉入都於其歸也賦以贈別

往崇禎己卯中

祚明隨先大兄讀書靈隱寺會質人偕令弟進士
宸臣中書舍人覽民亦在鄰院晨夕攻業屈指三

十有四年矣傷宸臣覽民俱就長夜惻愴悲之情見乎詞

鷲峯肄業仰文壇三鳳誰云法護難塔上題名埋玉樹池
邊輟草敗叢蘭青雲得地人垂老白首論交意未寒我亦
懷湘哀伯氏相逢岐路一悲酸

賦得小雨晨光內 集字

岍濯溶溶淨陽舒淡淡隨籠霄輪乍洗映旭緒平吹竿瘦
漸青竹花繁裛紫葵歡呼到鋤笠行旅柰支離

喜孫海門至賦贈兼呈望石先生 集字

避人渾野意彈劔強梁游道曠時驅馬機忘欲問鷗停雲
望且愜雜坐句容搜舊帳依梁棟樵棲莫許畱

再送沈時借

集字

不因畱試駐忽想賦南征星曉催鷄亂塵高厭馬鳴逸羣
陵俠氣傲俗許人英百歲斟蒲酒芳菲月桂生

送金方伯亦菴之任中州

仍看行省寄平章筦賦三河國計長不擾追呼安力作爭
爲撫字起循良烟霞靈境惟崧岳花柳名園又洛陽本是
紫薇僊署客將因卜夢趣曹裝

四月辭楚幕之辟呈徐健菴立齋昆季兩太史

集字

征南青翰擁前驅寄語邀賓趣問途漢水鷗飛愁白浪燕
山人旅憇青蕪浮生養拙慵因性舊友開顏淡足娛不應

豈關身傲物村田只合賦歸與

送董子長之任甘泉

集字

炎蒸暑景傳車西飛絮繁條驛路齊幽谷危巒勞遠度空
郊破屋劇悲啼村翁有喜窺神鳳童子皆知護錦鷄及聽
絃歌欣獨徧風良上上會應題

端陽前四日同人集徐敬菴寓齋時敬菴將有小星

之喜

集字

人間重午嗟垂過掃室開屏進宿知擬和徐陵慙絕製漸
攜桃葉鬪神姿羅帶峽裏方遙度綺裏闈中適所思喜向
三星燒畫燭雙眠共息敢他之

夏日借諸同人喜柱峰至兼懷顧且菴家園 集字

曠望江關競爾思來逢暑晝已遲遲春歸翠岫誰呼酒漏
徹金門待吐辭素友庭除松耐老芳園地僻竹應移卷裏
有道真孤性四海分憂勸駕宜

訓方一峰

畱滯燕山歸興遲風塵華髮笑支離何來才子清溪客投
我新篇白雪詞落日愁聽歌鳳曲炎天正是釣魚時長裾
好待鄒枚曳短笠青簑去始宜

訓王汝祿

華望瑯琊逸少名偶攜賦筆入燕京漫游我老真堪厭虛
譽人傳未見輕贈句已慚任處士先容更媿曹丘生荆山
照乘誰能掩自有人償十五城

睂山以集唐詩十首見贈戲用八名體奉答二十韻

不言游子鄙多謝惠連章和璞荆山節吳蘭楚畹芳衡才
燕許允紀信固遷良吟詠徐摛藻瑛嵇 口集唐吐懷真宛
若審配必安詳白選狐毛粹文欽豹 牙彰聲名慚繆襲飄
泊涉侘鄉泉石崇微尚滄江總不忘津梁冀休息行李勉
奔忙賣賦廉頗甚由余醒亦狂在陳乞食儉歸到漑園長
贈句情何劭推高綽有光絃朱穆古調雪白起先倡雅鄭
虔能手森嚴助別腸宮商均律協山水悟琴張搖筆方干

斗傾壺遂舉觴莫愁彈劍缺何遜貶琳瑯貌辨陽浮慕詞
陳寔感傷一丘遲偃息空谷永徜徉井井耕田日相思五
柳莊

五日言懷

集字

持杯宜勝會夏永恰同淹葵朶翻圍徑榴英倒礙檐東君
呼坐席騷客渺懸簾歌憶攢葩穩脣堪吸海霑孤裏通夢
鹿上藥信封蟾湖畔看爭渡隨支短笠尖

雨後望西山

集字

聲聽鳴檐枕簟耽憑闌喜曙見烟嵐同心促席饒欣賞接
日遙峯許恣探扶杖途紆憎地滑披蓑棹短思江南珠簾

翠色銜餘晝竹葉頻酷飲更貪

桂峰招同人小飲銷夏

集字

忽見榴開候初來賦客逢友招揮扇赴坐愛瓊窓封樂翰
遷昏樹傾醪散莫鐘古秋堂好在鬱鬱想山松

顯亭禹航園有古秋

堂

雨夜

夏雨如秋雨鳴條得晚涼微吟簾捲暗穩睡簟舒長此日
忘炎日他鄉似故鄉沈沈夜飲罷有夢到羲皇

其二

吾已棲棲老年隨井井移可知今日雨安用聖人爲檐蔔

聲從灑盆橘色稍滋朝來醒較晚不爲夢周遲

長夏同顥亭眉山言懷十韻

集字

勝客恣流覽觴卷集高屋門扃纖風稀曜靈爍長陸幽尋
宜盤阿杖藜入絕谷茅廬攢修竿雪澗受馳瀑霏雨密灑
衣潭魚快適目遊燕今久滯音戀良交馥藻韻觀競成癖
病覺難牧行將就巖棲茂林偶鳴鹿浪暗航龍蟄磯澄見
鷺宿蕭閒向寒朝銜醕摘鮮菊

夏日晚涼過顥亭寓齋共賦

集字

入適南風透曛乘西岫迷宿醒欣小減雅集慣探題螢朗
添輝度鴉昏接影棲萍蹤行寄傲竿笠臥通谿

其二

韻友耽吟最蕭齋入座畱森柯飄自緩細茗潤初浮偶遇
成佳話開顏破旅愁聽歌殊蓼浦歌枕戀蘿丘

六月七日顥亭招集高阮襄宋楚鴻周鷹垂鮑子韶
朱人遠卽席分韻得二蕭

晚風延客坐深宵河朔名流飲興饒座有七賢風豈讓觥
拋百罰令無囂吟詩老去才真盡病酒年來渴欲消獨喜
醉眠登榻易不須騎馬狹邪遙

燕山行

每從燕市望燕山市上荆高去不還一自酒人零落盡寒

風蕭瑟水潺湲

其二

白髮盈頭老不才
虛將詞賦傲鄒枚
荒原遺跡無人識
何處黃金舊築臺

夏夕連陰招孫海門姜定菴項眉山徐敬菴嚴顯亭

小飲待月

集字

出舍遲暉倦猶涼
始暫炎疎花舒更淡
接葉潤時添作者
含毫過斜曛臥簟淹
梧桐欹露碧消靄
憶晴蟾

其二

火雲燒紫巒虹裊
候南端狎飲供臨賞
行吟耐仰觀漏移

環暈合檐迴駐輪
單雅會拚經曙蘭
卮瀉石闌

訓胡妙山次韻

與書誰易讀君肯局
時人欲壽名山業
難經大海塵冠資
聊適越裘敝亦畱秦
燕市虛相和花源失
問津

定菴京兆

朝罷見過賦謝

集字

榻下回卿邸觴邀避
暑辰羣公搖雜佩
京兆駐高輪鯖乞
侯家味醪酤市肆
春千文成不易語
出倍驚人

其二

今雨來何幸良宵坐
未央督郵當鬪避
游徼引騶長交暱
寒流鄙詩投秀句
蒼由來傳諫獵賦亦
傲鄒陽

送徐電發還松陵卽赴錢塘梁明府幕次王古直韻
不待秋風憶放船關門驅馬驟征鞭黃金臺畔行當暑寶
帶橋頭日似年

其二

南客能先朔鴈飛送君匹馬犯炎暉西湖幕府如相憶家
在墻東未擬歸

七月朔定菴招同人詠榘得十韻

集字

逃暑高齋集分除睇短條籠烟橫竝鎖然火暝仍燒珍果
攢珠迸殘英似桂飄玉門攜涉險金谷坐探饒馥馥輝層
岫霏霏透午橋平窺舒野眼坐憇失山腰藻語欣新就澄
水到晚消斜陽臨漸黯入夕淡空搖文館歌同寫兵厨醕
一澆壺觴鷄樹下餘暢羨今朝

鄧偶樵候補畱邸中夫人余子玉以書勸之納妾偶

樵趣裝歸同人賦詩以送其行次沈繹堂侍講元

韻

跼蹙長安趙女淫將無佩解漢川陰祇愁待詔虛淹歲詎
肯彈琴別有心鴈足書傳音問厚馬蹄歸數智謀深飽餐
羊肉千斤美不俟盤中宛轉吟

其二

愁思非同其雨淫佳期秋節易暘陰絲麻不作傾城想松

柏猶如許國心徐淑無嗟容入夢彥先相見誓元深茂陵
欲聘何勞止頭白應嗤卓女吟

七月望日立秋同人集睂山寓齋分賦

集字

入座高朋聚窺簾孤月遼舒光先黯黯照迴倍蕭蕭信美
偏懷士微名嬾掛瓢才難爭作賦庭樹莫飄搖

其二

命儔俱妙令如我厭龍鍾偃仰將經歲遲違向立冬金波
嫌寫鏡蒼峽托扶筇楓染津亭路漁舟往蹇從

送階六少叅之任隴右

八鸞四牡又秦關蕃漢承恩河隴間西近玉門徠屬國南

臨棧道控重山白崖朱圉金城固華洞仇池福地閒鎖鑰
豈如啖舌重 璽書應賜諫臣環

其二

吾宗奕葉盛淮陰堂下常聽單父琴瑣闥從容還問字布
衣偃蹇許同心蒯緱獨旅燕山老綺苳長驅隴水深爲誦
遄歸陪燕喜清風未有穆如吟

題階六兄像次王阮亭韻

年來筆研真欲焚世上交態徒紛紛吾家師友自昔日於
我富貴如浮雲直臣得在黃門暫聲伎曾從絳帳聞小像
爭題兼惜別更誰名競潁川君

贈毘陵毛子霞

妙迹張芝遠前賢秘不傳莫存修禊帖虛想度江年學劍
成應易爲戈法未全人間推大字珍重筆如椽

閏七月一日曉起有作

迂疎方外一餘人秋入歸餘爽氣新又朔洗心驚此日加
年學易省吾身春秋垂盡難稱富悔吝多羞詎耻貧置閨
不停時物變知非實畏履霜晨

贈宣城高阮襄

觀風大雅日榛蕪正始猶存高逵夫吾黨深推良未易同
時得似會應無解頤實喜聞匡說慟哭何須悵阮途垂老

逢時休道晚長貧差勝魯生迂

閏七月七日和毛子霞寓園雅集之作

歸餘天上入清秋巧集人間勝事畱同客燕山俱憶鱸重
看漢渚會牽牛招邀得句矜花筆汗漫忘歸笑蒯緱兩度
穿針瓜果設不堪思婦倚高樓

其二

百年三萬六千晨五歲還添閏六旬此日休辜拚縱酒佳
期況值喜同人頻勞乞巧天孫晒行復揚塵王遠顰觴詠
興闌詩敘寫今秋絕勝永和春

是夕題亭招楊以齋項翁山徐敬菴同飲

集字

暝下墻西火不明
閨賒氣變露含清
二神又渡層川響
織魄仍銜細霧生
書癖久嫌眠曝嬾
針寒也趁暗穿成
共酬楚賦存佳事
燭朗卮浮今夕晴

次日聞子霞席上拈杜工部游何將軍山林首章韻

人賦二詩續有斯和

朱邸山林近休尋
第五橋雲方占五色星
凝候層霄中座
攜琴出他筵折簡招酒人
分異地獨惜和歌遙

其二

徧歷嘗鯖席重逢
駕鵲橋清樽移待月
綵筆妒干霄語默
人俱旅蹉跎隱欲招
百花僊醞熟無柰故鄉遙

題毛子霞小像

始識此公名嘆息
書已聖懸臂世莫知
運肘力乃勁怒張
失自然變化歸雅正
蘇米瞠後塵獻義儕
季孟燕山一把
袂傾蓋交許定傲岸
氣固豪真素心元靜
生平五嶽游浩蕩
仁智性論詩格律嚴
結友聲名盛垂老客
遐方在衆矜獨行
矯矯子軼羣棲棲我
爲佞閱世疎迹殊得
已同聲應勞筋何時
息偃仰蓬蒿徑練裙
書數行蒲葵扇幾柄
臥就北窓風牀頭酒
未罄觀此丘壑姿楮
墨丰神映曠然感千
秋餘風扇無竟

石版橋西一草堂爲山陽張虞山賦

石版橋西一草堂小山叢桂色蒼蒼扶藜數爲應門出倒
屣翻嫌隱几妨稍別閒階花盡落莫令深轍草全荒卽歸
投老書堪著表里千秋識鄭鄉

和張用霖同彭古晉張虞山沈穆如集顥亭寓齋之
作

張翰輕裝入洛年嚴卿署裏集羣賢他鄉莫歎秋風起妙
曲同歸白雪妍苦憶花開河上宅相逢木落薊門天不嫌
久客先君出及到君歸擬附船

中秋夕顥亭寓齋

集字

開筵映霽霞玉露冷歸鴉騷侶攀僊署金波吐碧沙老催

還客舍節送憶田家夢到蕭齋靜峰前墜幾花

贈宋使君牧仲

文采風流宋使君詩篇正始幾時聞定交燕市歌曾和弔
古黃州事不羣六義元聲長泯滅諸家變響漫紛紜憑君
一灑施汪誤珍重無輕翰墨勛

題施研山侍御五十壽冊時內擢仍畱臺班

狹巷吐金商雙童夾丹轂徘徊青雲端卿月光始擢升木
聞鶯鳴橫金猶豸服緬惟栢臺長曠然美高躅勿欺信乃
犯溥利嘉必告攀檻旣嶙峋持斧亦儼肅彈文耻毛鷲政
體言不黷十年方未調偃蹇閉深屋匡牀書一卷高會酒

百斛昨秋風物佳良夕初泛菊遽年行已化孔易欣再讀
頎然圖形肖粲爾神在目賓朋交贈言能事潑妙墨展帙
烟雲生隔歲觴詠續時泰茅茹升神靜松喬谷且就高梧
棲無歌紫芝曲

九月八日沈融谷鮑子韶移樽柯園雅集分賦

重陽燕會容先借柯氏山林喜再游莫葉數來纔八日菊

花開遍已深秋羣賢對酒爲青眼五老同筵傲白頭

余與葉淡

生徐子山孫豹人暨子霞同席頭須皆白

但有清罇邀勝地衰年客裏未須愁

酬張用霖紀別次韻

白髮相逢此地看乍來不道欲歸難門生爲負書囊小舟

子徐開布帆安驛路觀風惟攬勝家庭飲臘已追歡臨岐
莫漫歌招隱薇蕨何曾得飽餐

九日梁仲林少司空招同黑密廠登高賦

燕山九日登臨醺高阜張筵屣履同風雅一時多上客雲
霄列坐從司空銜杯莫悵東籬遠授簡無如北地雄漂泊
更須防落帽羞將衰鬢逐秋蓬

是日司空賦五言一章見示再有斯和

曠覽秋氣清登高感今昔司空博物彥探蹟窮典籍入洛
盛英賢到門延履鳥佳辰此臨眺翠幕陳綺席英餐菊藥
黃醪傾栢葉碧落日發浩歌商聲吐金石攬手白雲濕蕩

胸悲風夕南原沙皓皓西山翠可摘蒙密壇壝陰嶽岑宮
闕闢悲哉憮悽氣壯矣都會宅古人誰榮名時節忽復易
俯仰來吾徒相視成莫逆勲業乘時建逢性隨所適青眼
聊相看科頭不見責游子衣裳單霜樹寒撼撼引滿罇不
空薄醉顏發赤年衰拚世棄心憊爲形役家遠田園荒歲
暮掩嗷迫草衣束韋帶柴車經紫陌吁嗟下士醜多謝
上公惜白雪和應難濫竽聲不擇微名慚孟嘉高會畱陳
迹

毛子霞古蹟四詠以長歌和之

客山毛子天下奇行年六十霜作眉足跡幾欲遍五嶽芒
屨布襪來京師自言尋山入宵靄亦或蕩漾臨川湄松雲
冥濛林菁黑虎豹叫嘯悲風吹干峰無人一杖響百折穿
雲雙屐危捫蘿攬葛上霄漢拂拭怪石窺殘碑唐書漢篆
不足數稍遠程邈與李斯字形筆法可想像來者心慕容
手追必有神物畱太古摩娑辨識心然疑目爲聘貽口難
讀鬼神所訶人不知岫嶺禹字衡嶽麓古鼎周銘焦山陸
是皆卓絕籀篆祖見之肅穆增深思復有岐陽石鼓十近
在太學文陸離三物鬼峩長不毀日月照耀通靈祇貞元
迭變天地老陵谷改易時代移我生已晚陳蹟少覩此能
不爲咨嗟况復文字雖駁蝕一一蜿蟺蟠蛟螭力屈勁鐵

銛利刃怒生槎枿輪困枝顏筋柳骨不肖似妙手欲撫窮
臨池毛子善游兼善書生平頗復鑽仰之古人秘法在運
肘與酣筆到身亦隨擘窠大字真絕世前芝後旭安足師
胸吞七澤無不有眼中百代尋常披古物歷歷寄心賞浩
然吟詠成三詩更將家珍儷爲四後來居上超等夷置之
裏衷徑寸石上有太極函兩儀其背赤日映白月東西二
星如列碁風雲繚絡欲萬變得此無乃天皇時一畫未起
結繩遠後來始復生庖犧史皇多事鬼夜哭鑿破渾沌何
不慈卷石無多天所造大璞不斲文在茲瞠乎三物謝晚
出磨刻況是人力爲我讀四詩三嘆息多子用意能欽寄
吾生直如蛙在井縱到他鄉仍下帷局促何曾去書牖不
識奇字真愚蚩右軍不可及尚平非所期但能投筆歸三
徑湖上看山亦杖藜

痛飲行九月二十二日顯亭寓齋作

八月中秋好風月吾徒酒人高興發九月八日轉瞬過二
十四夕飲不闕布席初依菊有花滌器每候日將沒翠幕
高張烟溟濛酒瓮欲開香醖醇房山新釀馱載來易州宿
醅沽不歇未論一飲當至臍鵝黃在瓊清心骨紫蟹巨螯
在手擗白羊膩脂帶皮齧菜菹筍脯克圓方梨栗瓜薑雜
殺核華燭未來已屢酌牙籌亂拋經百罰稍時耳熱頰凍

顏滿泛頭澆濡白髮不須更慙杯行遲能得幾巡壺屢竭
眼昏燭跋無不爲滑稽戲謔相抵突歌呼未休紛起舞人
影欹斜映林樾參橫月落各歸寢明晨記憶多恍惚醉中
謬誤醒數悔及暮相看涎汨汨狂奴故態子復萌老羌呼
渴我亦曰橐鞬鞭弭長周旋短兵狹巷遇倉猝真意難爲
外人道酒中勃率饒窟客久誰能彈鋏歌官閒莫漫書
空咄翻從九日赴他筵鄒陽枚叟相差肩旅進却隨車騎
後登高不在糟丘顛自此忽忽十許日縱復聚飲非駢連
今宵覓得烏程醞疑是人間第一泉大斗揭來香細細小
杯斟得色涓涓嗅潔到鼻已殊異防甘舐舌知不然霑脣
漱齒宜緩引徐味馨香始下咽由來釀事宜用秫北方粟
米力不全此酒酷烈吾所好不得到口幾十年聖人之清
難可見乍一中之心自憐十觥便舉不忍已四鼓欲催斬
稍延如游山水得異境或讀奇書窮賞研玉山已頽尚含
笑便便坦腹惟高眠五十無聞吾已矣功名富貴何有焉
臯夔巢許竟誰在山河城郭隨浮烟何可一日無此酒幾
見人生能百年但同我友歸故里杖頭不乏青銅錢挈榼
西湖藉草飲死便埋骨青山邊

送蘊先姪還里

郊原木落見西峰衰柳離亭送仲容久做烏裘堪屢別仍

開青簡閱三冬雄文不讓誰能薦董策雖工獨未逢歸去
鄉山宜把酒翻嗟竹下失過從

送王古直還里次毛子霞韻

吾老還山未有期秋風歲歲起鄉思多君綵服承歡去恰
是烏裘已敝時發篋揣摩餘舊業攬衣惜別富新詩庭前
紅樹棲烏鵲不羨春光上苑枝

題金式菴使君古畱堂堂在漣水卽使君新安原籍

村名

黃山舊隱有青村海曲因家憶鹿門古洞桃花思父耆華
堂桂樹長兒孫竭來三世高陽里不忘千秋武水源東閣

徵黃開綠野花時日涉愛行園

訓淮南程萇東兼用贈別

論文杵臼識名賢舊雨蒼茫三十年紫陌重逢真失喜黃
壚倘過已凄然高秋正有文垂露旅夜同傾酒似泉白首
風塵各南北不堪朗詠暮雲篇

訓周鄮山倒壘來韻

依人同作客謂爾獨宜驕筆任縱橫寫杯將塊壘澆吞聲
巖瀨哭溷跡四明樵吾道哀窮劫天心昧次寥當時來洛
市附載托吳船嫉俗人休返悲時意未銷閉門閒坐大廣
座默無聊守黑龍難測和光象自調悲歌憐擊筑乞食愛

吹簫偏與過壚飲堅辭折簡邀可哀風不靜可愛日非饒
歸蒔松成列時攀栢已凋嚴君魂不返老母腹仍枵敢謝
征夫億仍勞好友招從人譏鳳鳥且自寄鷓鴣至止秋風
起淹留雨雪濼多知有晉魏無歎沒黃姚似我髯俱白衰
年渴欲消何須歌未旦已不舞中宵凄切新詩贈纏綿用
意遙故山如並返簞笠傍昏朝

謝翁隴州東山四首

秦州蔽隴阪側身一西望化行風俗醇政簡性情曠晨衙
簿書畢浩然發高唱山幽鸚鵡萃川濶魚龍放遺蹟杜陵
畱故址秦城壯鬱紆睇雙闕稠疊臨千嶂天末裏友生虛
薄非直諒瓊華有德音感舊一惆悵

其二

惆悵嗟倦游蓬飛不可止匹馬方適齊悲風蕩清濟隔歲
復驅車汗漫燕山邸來書始得讀好我竊獨喜千里同寸
心古人良有以切磋匪他山恭敬依桑梓愛景崇明德最
哉念君子

其三

君子揚令儀隨時播耿光鳴琴羅江曲八桂天蒼茫炊烟
映林箐雨洗瘴霧黃蠻女連臂歌緝卉拖花裳嬖僇拜神
君尸祝不可忘一州雖量移非以報循良孤城如斗大西

北邊關長

其四

邊關扼戎羌悍戾秦風競絃歌布文治耕鑿安仁政閒庭
授詩禮虛館無訟諍好古思尚友善交能久敬頌頌窮途
哭羈棲從者病還山我未卜歸田子莫請竭來鋒車徵琴
書趣裝輕開罇對玉河月出聞高詠

壬子十月下浣五十賤誕邸門諸先生四方高賢鄉
里同學贈貽爲壽漫成志謝

甚衰久華鬢無聞歎艾齒不類譙先人曷歸閔游子弱齡
習章句俯首讀文史項書徒不成馬賦焉得似蕩滄海水

翻飄搖家室毀奉母竄榛途哀兄哭蒿里安輯幸編氓寡
昧敢稱士祇緣焚筆研輒欲扶耒耜凍餒送晨昏艱難失
生理出門迷所向汗漫來燕市洛邑風雨交邦畿民所止
草衣徒步入慰藉逢知己卽漸游大人稍復知姓氏吹竽
信已濫鬻璞本非是逡巡十八載來去方未已多嘗五侯
鯖強分方朔米持寄啗子姪一飽良足喜尙想古隱淪懷
抱寧若此質質乞兒活耽耽食客鄙兄骨未得藏畱滯蓋
有以歸或能著書行且勞躡履朗月照華堂時花發階祀
喧闐奏笙歌紛幡曳羅綺側身與末席燕笑不知耻生年
今五十歲去如逝水攬揆在茲辰百罹於此始生誠何所

爲老至一何駛何當動公卿亦或來戚友中金白鋌爛三
雅康爵美華燭蕤光輝錦段披翟靡清酒或十罇開讐香
且旨繪事能在手贈言風穆耳高軒數來過儼然辱玉趾
呵殿駭四鄰輿馬耀旅邸固陋無足採引分恒自揣王生
豈其倫名平不足擬殊施感恩遇賤子實泰侈心藏不能
忘援筆聊一紀好客賢名傳下交古人比金門多臯夔馬
首異巢許上治耕鑿安微生得依倚積齡倘能延未必勝
驅使見眷期不負前非庶可灑雙峰雲宵冥平湖水清泚
高臥且棄瓢嗒然時隱几但當飯黃精不必覓石髓籬邊
有菊英墻角有梅蘂扁舟狎白鷗玉缸瀉綠蟻取與矜一
介神明用尺椀更閱幾春秋學易修身俟

送葉元禮之中州

北風烈烈燕山道凝陰日慘沙浩浩此時送客出橫門敝
裘蒙茸色枯槁問客何爲犯雪霜治裝不及待春陽直言
季子黃金盡羞見長安花柳芳仗劍飄然適梁宋有才莫
歎時不用朱亥猶承公子恩相如定使王侯重也知到處
有逢迎海內由來識盛名後來却在羣賓右虛左能令四
座驚花鞞畫鼓泥金貼行酒妖姬玉爲靨遍呈百技舞筵
空自顧蕭然一長鋏憶爾當年入洛初秋水雙眸白雪膚
洛陽賈生年齒少江夏黃童天下無荆山三獻經屢別整

躉風塵事干謁喙上鬣鬣頗有鬚人前矍矍若無骨高車
駟馬彼一時雲蒸龍變安能知媿我富春老漁父畱滯燕
山徒爾爲

送張漢霞歸里兼壽明年七旬

張翰扁舟返舊園布裘藜杖教兒孫二難侍從時高會三
益招尋每到門竹裏正宜摩詰館桃開卽是武陵村十年
但到墻東宅百歲相依命綠罇

爲王古直母吳太君七旬壽

昔

秦間所至盜賊有危塗

空負乞食行迷

方伏臘思剪韭同學起榮名挾册來我友丹篆吞在胸白
璧徒未剖烏裘毛蒙茸歸去爲母壽念母出名家詩書授
宗牖英傑堪比蹤鉛華不御手應變凝之妻見幾許允婦
長川邁倉猝增竈智在口呼僮各手弓臧獲詭誰某示疆
先聲奪羣盜咋舌走干將貴立斷鴻鐘無憚扣至今在宗
黨交詬或雜採赴愬曲直分質成虞芮受訓子仕則能學
優遇已後春明且鄉園長夏酌大斗未供大官米聊貫僊
姥酒江間饒鯉魚湖曲多雪藕承歡旣云樂屢空庶無咎
太息爲此詩彤管名不朽七旬至百歲三周歲幹久板輿
有時迎副笄耀華首浮雲任霄漢風味耽林藪

訓錢飲光

惟漢昔季世名流多野伏甘陵南北部標榜隨所目宋運
將欲殞衆正斥復錄同方判殊趨乃亦分洛蜀此亦一是
非彼亦一直曲不譽夫何甚積毀省所獨鶴頸不可截鳧
頸不可續鬻然里黨爭歛爾邦家覆於時節義見無玷辨
真玉闔棺論乃定一氣合冥漠曰余少婞戾入世多抵觸
延及我哲昆叢謗殆近辱舉國同所非納污衆惡蓄天下
一知己雲間有大陸著鞭事中原抱石湛江澳白衣變蒼
狗倏忽如轉燭賢者歸寥沈愚者困窮蹙微生猶奔忙聲
利日相逐鄙賤衣短褐伺候謁華屋謂語不求逢謂默非

抱璞顯晦兩無歸行已昧清濁尋省鍼砭初膏肓中沈篤
今爲君子棄無望迷途復夫君道何廣投分在昔夙旣與
陸生游臭味頗相屬伯也通殷勤心期異流俗鄒環方逮
訊鈎黨將束縛我兄旣雉罹之子亦蠖縮閭門花柳間弭
節清川綠此會三十年生死換陵谷君爲萬里游瘴癘千
山麓輕身脫虎豹歸隱友麋鹿編戶乞爲民不火食無粟
矢志來燕山風塵一草服逢余話疇曩悲歌叩哀筑陸生
旣遠戍老病虞就木故人十存一吾汝鬢盡禿仕宦有嚴
沆依倚慰寂寞詩酒憶方文高墳白草宿他山誰見攻同
岑化已速身在多哀端德衰鮮高躅延年翻不樂加餐何

所欲荷君贈言厚使我霑襟哭百感敘不詳車輪轉人腹
前非久已知返駕倘許贖

舍弟至

知爾秋分返故山飄然臘月又燕關欲知歸橐如征橐訝
許衰顏異壯顏但擬賣文宜輦下不辭就辟向人間周周
何日連枝宿客裏相看鬢早斑

壬子除日訪王山長久話作

短景催殘歲籃輿訪故人俗嗟南楚異官特廣文貧綵筆
滄江老公車紫陌春與君譚向夕落魄一沾巾

稽留山人集目錄

第二十卷

做帚集

詩六十首

癸丑元夕把酒口占呈顥亭太僕 菊隱詩爲陸翼

王賦 壽何孝廉京左母關太君七旬初度 青霞

兄七旬大壽寄祝 廷鬯兄下第旋里慨然贈別

訓山長留別 懷張俊升副憲 寄張螺浮都諫

爲王涓來太史壽 送翁康飴下第旋里 會庭聞

下第將由天目歸豫章詩以送別兼候報恩和上二

首 癸丑暮春二十一日漫成自嘲 四月三日俞

彙嘉載酒招同顥亭洎方貽予正定隅查度家康侯

雲起豐臺看芍藥時方貽先倡追惟昔遊悵然屬和
四月六日敬哉先生招同錢飲光毛子霞陸翼王
巖蓀友馬耿明計甫草朱錫鬯豐臺別業看芍藥和
子霞作 祝梁仲林少司空 彙嘉得廣陵別駕敬
哉先生以詩寵行輒和 朱質庵侍御招同何蕤音
巖方貽集許于王侍御宅賦謝卽呈王繩武給諫
顧山容逸庶常有贈兼簡令叔瞿父 送家雲起之
任固始 龔祖錫兵僉分巡通永招詣潞河漫紀
疾 癸丑七夕潞署作 潞河送孺懷樞還里因柬
翁康節 寄祝嘉谷六旬初度 徐希徵南歸乞言
爲贈漫成二十二韻 中秋乞金與舍弟康侯俾寄
歸爲大兄營墓菽兒娶婦慨然紀之 別祖錫使君
重歸燕山 復至顯亭寓齋時擢御史中丞 癸丑
十月康侯從蕤音有太行之游詩以送之 呈袁六
完回卿謝其有知己之言 癸丑十月二十有七日
作 偶吟十二首 臘月十有八日舍姪伯長至邸
舍視余疾感而有賦 與舍姪話 自輓詩 除夕
燕山旅舍示大姪伯長

稽留山人集第二十卷

癸丑

詩六十首

武水陳祚明詹倩甫著

癸丑元夕把酒口占呈顯亭太僕

依君那似客有弟亦忘形醉不須元夕狂偏信暮齡觴行
如瀉海燈簇欲捫星見月鄉愁發低迷幸不醒

菊隱詩爲陸翼王賦

嚶城東海曲挺出多時哲所宗黃夫子大義何烈烈經術
始策名慨然希靖節結菴命以陶志豈在貞潔時惟橫流
潰邦家漸危捏利器若在掌天門上列缺勲伐溯荊州淚
灑誓師血尺寸無可階那得黃巾滅已通金閨籍忍見七

廟絕吾徒戴戈奮魂魄何毅傑黃花不暇種濁酒非所悅
之子入室英揖讓執經列士也祿未沾生存涕每雪同人
各有裏高駕凌百折抱影匿窮巷悲秋莽寥泚三徑人單
寒九辯辭於咽時菊有馨香餘英堪採擷余衷久乖左微
尚聊比竊如何北窓人交鶩燕山轍霄漢聞盛名風塵同
一跌芝朮餌未能稻梁謀已拙抱冰乃無春因人非附熱
華筵接席坐欲語還結舌菊栽分有時中春已萌蘖爾我
不得歸營道足疲茆不知何年秋圭窬門自閉我亦念先
兄裏沙怨此別俱歸向東籬盡藝繁花綴摘來有盈把綠
樽並陳設澆酒讀大招浩然棄一切

壽何孝廉京左母關太君十句初度

太君爲朝亦先生元配六鈴先

生女兒曩交之誼頌德有由恭祝眉壽益非虛語

何遜才名重當年載筆隨論交年倍長感遇句歌噫月照
鳴機手霜畱舉案眉五株丹桂殖已有卻詵枝

其二

黔被烽烟候韋經風雨門五常授書卷十指給饜飧樂到
含飴有才從詠絮論撒鹽如倡和百歲共賢昆

青霞兄七旬大壽寄祝

組自當年解車應此日懸林間五馬放庭下一經傳卻桂
田荆茂江花謝樹鮮孟公投轄興豪飲恣賓筵

其二

尙憶耆年會親稱獻歲觴冷然風已善具爾樂難忘可益
鬚眉皓無令松菊荒風塵違旅食白日羨羲皇

廷鬯兄下第旋里慨然贈別

絳帳晨趨鯉對年花壇猶子執經前歲經四十皆踰艾遇
亦尋常始薦賢燕市見攜長鋏在金臺仍著敝裘還青箱
傳得須兄力肯播無能廢石田

訓山長畱別

頻嗟不第向積齡錄別河梁詎忍聽毘毘燕山愁貰酒紛
綸馬豕負譚經人間名在頭從白世外交長眼放青同調

細推嵇阮異勸君埋照學沈冥

懷張俊升副憲

張以刑垣
分憲淮陽

乘槎何處問南征漢使應高博望名地濶江湖無鴈到官
廉淮海似人清朱轡歷試褰帷出青瑣旋徵曳履行最是
長裾門左客促裝計日待還旌

寄張螺浮都諫

宣室徵來旋賦歸竹竿嫋嫋坐漁磯萬幾自攬堪長慰五
畝將蕪信昨非策射傳經纔省解尊烹下鼓到秋肥盛名
直道人俱妒高臥滄洲但掩扉

爲王涓來太史壽

今代儒臣重先朝舊德遺楚風開賦體漢策擢經師撤燭
歸螭陛揮毫步鳳池校讎書史辨塗竄典謨宜黼黻成花
筆笙歌啓絳帷軺車持玉節上座設臯比彰善風維首衡
支道在茲五陵知嚮化三輔不難治貴戚蒲編寫孤寒黍
谷吹卿雲光復旦膏雨化惟時孔鑄恢鑪冶周楨奮羽儀
得人覘相業好士豈朋私北海罇常滿西園蓋許隨文家
談衍口詩說解匡頤懸矢生申地流觴祓洛湄梅調珍在
鼎蘭采醪盈卮伊傳何多讓松喬可與期八公慚上客得
似獨龐眉

送翁康館下第旋里

季子陰符練已成來尋鬼谷問縱橫曾無說力資三策不
合時宜似兩生欲起扶風纔省解且宜愛日動鄉情阿舒
鄰近吾廬敞題鳳如過一寄聲

曾庭聞下第將由天目歸豫章詩以送別兼候報恩
和上二首

曾子歸蓮社逃禪向竹林計偕聊慰母下第詎關心是事
須真悟無然費苦吟龍華元一會稍別肯霑襟

其二

因君通問訊天目是吾師汗漫迷難返分明得倍遲寄聲
休吐舌護念或低眉未舉拈花案先承毒棒施

癸丑暮春二十一日漫成自嘲

葬兄欲卜荆山宅爲子因尋茗水盟買地盡資吾弟力伐
柯多謝故人情果隋却寄羞空橐捃拾焉能致滿籬視曆
總教差遠日秋期或者大丹成

四月三日彙嘉載酒招同顯亭洎方貽予正定隅查
度家康侯雲起豐臺看芍藥曠芳貽先倡追惟昔

遊悵然屬和

三年不向豐臺路挈榼招從勝友場雨過湓流分澗碧春
畱嫩葉入林香紅翻接町花何恣白捲孤亭酒故狂紫陌
自將車獨繞不堪泉下久茫茫

四月六日敬哉先生招同錢飲光毛子霞陸翼王

巖蓀友馬耿明計甫草朱錫鬯豐臺別業看芍

藥和子霞作

青郊東山墅珠履梁園客長裾曳薰風飛蓋隨宗伯出郭
散遠襟尋途意已適行穿榆柳翠水漑陂塘碧深樹隱人
烟籃輿越阡陌爲園十畝寬蒔藥萬花積競放迎清和分
種間赤白平鋪爛錦繡四照驚鳥奕數字非采椽一亭布
蘭席坐無軒裳貴人向韋衣擇才名羨諸子老醜謝三益
芳鮮行酒果旨潔進羹炙道術論異同俛仰感今昔往者
萬柳莊前人已陳迹麗草挺神區於茲發光液尋省王徽

賦追陪謝安屐林泉耆英娛經綸象賢責銜卮及清暇迴
轅淹日夕頻游看不厭始至去應惜毛公風穆如朗詠出
金石鄒枚爭屬和妍秘共抽繹濫竽恥名花善謔莫相尼
祝梁仲林少司空

蓋代三秦傑司空九列尊才元儲鳳沼客許到龍門往者
登華選臨軒始奉恩校書坐藜閣抗疏改梧垣齒敵豺狼
礫翎開鷗鷺翻膏流爲雨潤風拂起春溫月傍清卿轉星
將元武捫王宜僚宋協梁併姓名存識緯書重驗平成績
更論時王胥庭公
爲大司空胼胝勞不費吐握義長敦往往來朱履
時時命綠罇忝隨車騎後疆飲酒杯繁禮數多從畧歌呼

不厭喧度優羅細大學富得淵源攬揆逢良日迂衡效頌
言鈍椎慚下士拂拭藉平原

彙嘉得廣陵別駕敬哉先生以詩寵行輒和

雙旌行早發佐郡去悠悠遂棄諸生筆無嗟季子裘連城
三獻失二翮一階酬猶勝西雝選停年坐白頭

其二

畱燕經歲歲請業負朝朝名已文章著資從翰墨超螭頭
虎載筆驥足且揚鑣烟雨看山色江南幸不遙

其三

亦設經師座從登宗伯堂因成得御李最喜說詩匡書帙

芸誰散津亭柳故長穆如元老句薄宦惜江鄉

其四

爲領金隄役應知郡倅勞河淮爭獨出畚鍤欲親操轉漕
安瀾得遷官上秩褒才如枚乘捷可暇賦觀濤

朱質庵侍御招同何黈音嚴方貽集許于王侍御宅
賦謝卽呈王繩武給諫

徵歌借宅鳳城西朝下喧闐騎從迷屋認栢烏爭自集路
迴驄馬盡聞嘶不言驚座長裾入爲愛登筵舞袖齊知爾
彈冠連茹起王陽結綬喜招攜

顧山容選庶常有贈兼簡令叔瞿父

孝廉名譽起燕都執贄何勞向老夫遂步鳳池饒綵筆從
摩烏集善陰符疎狂只益衰年傲謙抑休將禮節拘國器
青雲虛暱就君家白眼是吾徒

送家雲起之任固始

卽從伯氏友高堂鄉舉齊名元季方美爾仍通蘭籍貴看
余或似竹林狂酒同燕市過壚醉花到河陽滿縣香佇聽
遷鶯來上苑無嗟折柳在他鄉

龔祖錫兵僉分巡通永招詣潞河漫紀

外臺星使始褰帷記室招從潞水滑過聽十函能併發不
言三輔最難治地纔一舍登程逸署鑣重關謝客宜爲語

居停嚴太僕暫懸木榻待秋期

疾

抱疾從淹久年來始困人身亡何患有醫訝不治真輟食
宜休穀辭勞廢採薪活來知幾日歸去信無辰

癸丑七夕潞署作

蕭蕭風起潞河流老病依人瑣署秋食不下咽成歎逆死
誰埋骨合歸休故鄉燕越乖風馬七夕星河看女牛獨喜
連宵能止酒不將仙醞憶杭州

潞河送張孺懷樞還里因柬翁康節

去住兼存歿懷人最不堪有才偏敗北無道與俱南孤帆

招魂路三秋漲水潭因風寄同學老眼淚空含

寄祝嘉客六旬初度

年長符兄事情深托久要朱顏期黻佩白首混漁樵營道
聲名失離居歲月遙重關閉揚子神理獨能超

其二

疇昔飛揚意文場拔幟雄吐譚陞鄒子作賦壓興公撥悶
三杯足甘貧四壁空失時才士賤乖老酒人窮

其三

纏綿白水誓恐懼谷風篇如貫俱相似分財倍見隣已多
聞笛感尚逐轉蓬遷未得巖耕共裏君近莫年

其四

指使者年度清高隱德尊與人惟任臆責子欲忘言當肉
餐宜晚聽歌酒莫喧朗吟大人頌一室小乾坤

徐希徵南歸乞言爲贈漫成二十二韻

嚴五昔言歸告之以用嗇一錢施良厚尺極取不極人生
所資藉神氣與物力費之乃日匱蓄之在善息彼昏乃不
知役使如不克狼戾一朝盡索爾無顏色急流舟折艣絕
塞兵敗北匪人所能拯黯默坐塞默是以老氏誠閑之必
有幅應物恢有餘裕源厚自匿我觀志義士忘己以爲德
慮事思或三扶顛赴每亟人田徒己芸我生顧不殖從來

利天下道不在用墨中非執一謂巽以行權得持羸以慮
無運智異逆億泊乎不市譽淵其莫可測嗒然坐若忘兀
者抱愚色爰及乘時行如風負巨翼善世不自損流膏無
畛域火養溫益長水靜鑒不惑聰聽若見思慰我心反側
中秋乞金與舍弟康侯俾寄歸爲大兄營墓藪兒娶
婦慨然紀之

行營十九年始欲葬兄嫂得金何所事隨手散易了白骨
雖已寒八口亦欲飽腹當饜稻梁身各曳絺縞筆傭每酬
值計日苦不早時月積成歲陳迹去如掃衣食競錐刀孳
孳日就老矧伊卜宅兆相度非草草岡巒測向背流水驗

環抱匪直後脣安乃冀遺骸燥萬家詎求容千年庶永保
購買良艱難景望賚探討我弟廣陵遊所積贏百金歸來
啓囊看燦爛逾球琳局鏞莫浪擲扶杖遄幽尋郡西荆嶺
秀巖壑迴蕭森七十二賢峰林立插華簪卜云庶其吉聞
之獲我心視曆旣差日襄事將自今問友乞朱提封題寄
好音穉子齒漸長言當鼓瑟琴雖微九十儀嘉禮方委禽
時誦事兼舉肘見窮捉襟懸衡屢程量憂心更欽欽毅然
勿顧慮却寄無沈吟所嗟負畚鍤有弟不得臨何時率孫
子羅列拜青岑

別祖錫使君重歸燕山

不堪鈍拙棲蓮幕只合疎慵卧竹林簡牘無多非鞅掌形
骸就槁實灰心竟須辟穀長投筆猶爲治裝有贈金潞水
燕山空悵望好風落日憶披襟

復至顯亭寓齋時擢御史中丞

驅車尋紫陌投止望蘭臺屣履迎賓笑軒窓爲我開榻
分吾弟踞茶供故人來九月重裘入霜威取次催

其二

寬中應強食同臭稔分甘賓客教闡謝彭殤矢口談杭香
扶胃起膾細入喉探獨座慚予對爲君試米泔

癸丑十月康侯從蕤音有太行之游詩以送之

自爾之來昨歲冬回卿清署聊相從天涯且得詩倡和客
裏莫怨裘蒙茸潞水行游逐風絮故山不返巢雲松我攜
雙管秉夜燭子畱一榻聽晨鐘飄零翻得龍劍合去任旋
散鴻泥蹤頃來謝病還邸舍顧我憔悴非昔容風塵嗟爾
復遠適太行嶄絕山千重遂往驅馳逐繡斧却立悵望支
老筇馬鳴蕭蕭日西沒羊腸峻坂魂飛越卽愁死別見無
期遄歸或可收吾骨

呈袁六完回卿謝其有知己之言

二年曾入司空幕老去真慚齊蓋公無補在原翻盡瘁尚
聞吹谷濫微躬爭憐客下西州淚忍聽工歌東海風漫說
平原能下士鈍椎無意復囊中

癸丑十月二十有七日作

竟得逢今日真成兄嫂墳工鳩麤葺庀書報預知聞隱約
無碑字幽森護谷雲祠宮何日啓更勒表忠文

偶吟十二首

杜公夔府日衰疾慟江村尚想田園去能畱詩卷存只愁
添戰伐預恐圻乾坤汜濫嗟何及平生一淚痕

其二

汶汶猶成世忙忙欲有爲崩天那遂及率野更何之詩酒
陶潛活江山庾信悲畢生行乞食垂白棄妻兒

其三

弱冠飛騰意當年
斲弛才學須方管
樂文不讓鄒枚莫齒
孤身客他鄉一飯
哀奔波三十載餽口
鬢毛催

其四

才際唐虞盛名偏
箕穎高何當種瓜者
終日詣蕭曹喋喋
調簧古耽耽食土毛
祇輕五斗米莫問一
溪桃

其五

賣文吾有術作諂不
須教遂儼周庾信誰
將諛墓嘲牀頭
刀故捉麾下幣仍交
八口江天望囊金數
解包

其六

立功吾豈敢願學或
修辭輯洽寧無用文
明亦在茲受應
殊展喜作豈似奚斯
慘淡經營就能令飽
肉糜

其七

溷俗成兒戲全身學
色莊周旋昧坊表忠
信翼津梁逐利
師錢癖開襟愛酒狂
品題誰肖似清濁兩
俱妨

其八

庭下曾聞禮求爲君
子儒良知從割席非
復聖人徒箕踞
爲原俟神禪廢禹趨
靈龜誠已捨喪狗一
長吁

其九

汨沒風塵客艱難十
九年迂疎知過改簡
率任真便拱揖

窺情僞端居闕變遷達心言故略一默意誰傳

其十

愚堪題我氏忠且爲人謀遮道要虛席當筵請借籌都微
鄭野獲何畀浚郊求校計妻孥事人生飽卽休

其十一

人師吾詎可上口六經荒舊習織屨業逢時簡練方諸生
齊發篋達者孰升堂頤老須乾脯行來幾束長

其十二

麴蘖孰何甚相矜善飲名腸支轉側送身縱拍浮輕幸不
干黃祖常虞暱寶嬰自將頭取幘鐘動跨鞍行

臘月十有八日舍姪伯長至邸舍視余疾感而有賦
念我瀕危疾奔波媿遠來未論移藏府堪可付屍骸急雪
長程有哀風曉發催生平湖上宅晨出暮須回

與舍姪話

萬種傷心事生平不可言天親今聚面將死一閒論節棄
身何得衷違迹孰原子山文一卷斑駁有啼痕

其二

一縷千鈞繫宗祊嗣守難只須敦孝友亦欲免饑寒守器
盤盂惜傳經卷牘鑽飄然欲長謝待汝克家看

自輓詩

始願還鄉廬勉爲獨行人息交從吾好惻欵得其真敬事
兄與嫂諸子育以仁言行戒讐尤俯躬師先民孝友率子
孫門內肅且醇戶不聞婦言童穉皆欣欣釋釋方秉耒坎
坎或伐輪以力自博食不敢言勞辛饘粥餽其口詩書淑
爾身文史夙討論經籍亦旁臻稍或得撰述垂之俟千春
歲月逝不居含意勿獲伸客死逆旅間去故而就新飄搖
魂隨風颯若弱草塵闔棺滑稽子終非席上珍委體於荒
原餘臭穢荆榛

其二

茫茫號有萬每生夫何多有材必有用大小無不宜而我
獨何爲可取無一科寘身人羣中流浪隨逝波三立一不
建百行良已頗遂死復何損生存安所加奄忽竟遁盡孤
棺棄山阿朋好厚薄殊親疎各咨嗟情知送者稀聊自爲
輓歌狐兔躍我前日暮銜草過笑我四體僵一寐不復叱
我果何物哉白骨僵則那浩然乘化游勿自戕天和

其三

自非王子喬壽命安得固百年今得半鬚髮皓已素八月
纏疢疾二豎迫纏互五旬屏水穀一息持百慮生存何愛
戀人世焉所慕藹藹兄子親重趼噬肯顧昏燈照雙影湯
藥必手具撫爾誠不卒倉卒棄捐去遺言囑已竟我後非

所豫銷鑠瘦形軀幸不嗟暴露木用斤斧斯爲棺亦有度
內我於其中送我卽前路寘之東郭原蔭以白楊樹白楊
蕭蕭風蟬連萬丘墓我已無復知此世非我處所悲識性
存遷流不得駐冥墨元真微轆轤夙習錮異物化不停溺
淵良可懼行矣與之然薤上盈盈露

除夕燕山旅舍示大姪伯長

他鄉歲逝催人逝猶子情深伴夜深暫喜生存延聚首倍
緣親愛益傷心一來使爾妻孥隔忽漫驚人戎馬侵明旦
未知能活在淚垂殘燭且哀吟

稽留山人集目錄

第二十一卷

敝帚集

詩餘五十二首

生查子

一闕

點絳脣

一闕

菩薩蠻

一闕

杏園芳

一闕

出塞

一闕

杏花天

一闕

浪淘沙

三闕

河傳

二闕

一剪梅

一闕

天仙子

二闕

師師令

一闕

一叢花

一闕

驀山溪

一闕

意難忘

一闕

滿江紅

一闕

碧芙蓉

一闕

滿庭芳 二闕

雪梅香 一闕

燭影搖紅 二闕

燕臺春 一闕

瑣窓寒 一闕

慶春澤 一闕

解語花 一闕

解連環 一闕

望海潮 二闕

沁園春 一闕

倦尋芳 一闕

漢宮春 二闕

夢揚州 一闕

無俗念 一闕

絳都春 二闕

疎簾淡月 一闕

瀟湘逢故人慢 二闕

望湘人 一闕

薄倖 一闕

賀新涼 三闕

大酺 二闕

多麗 一闕

稽留山人集目錄

第二十一卷

做帚集

詩餘五十二首

初秋

杏園芳

無題

出塞

秋思

生杏子

和方貽春晴

點

絳唇

無題

杏園春

無題

杏花天

官齋夏日

菩薩蠻

無

題

河傳

賀徐敬菴娶妾

河傳

正月十一日于天錫招

同看花小飲坐有王校書陸冰修賦小令三闋依韻

奉和因以惱之

浪淘沙

詠折枝海棠

天僊子

冰修有

十香詩贈郭校書香童伯旃賦小令紀之依韻屬和

驀山溪

題某生開卷圖

天僊子

題某生烹茶圖

一剪

梅題某生灌花園

一叢花

雨中過鄰寺作

師師令

無

題意難忘 訓宋楚鴻滿江紅 豔詞滿庭芳 閨思滿庭

芳集 邸中春日卽事倦尋芳 豐臺看芍藥燕春臺 弔

會稽女子雪梅香 前題碧芙蓉 觀夜無俗念 閨思珠

簾淡月 睡起絳都春 詠天燈和顧且菴絳都春 無題

慶春澤 丁未臘月和水修燕山立春用渭南韻漢宮

春 水修有和六斤詩殊見賞嘆再填前闕之作依韻

又和前調 戊申元日燕山旅舍病中作瑣意寒 正月

十三夕招同人米園雅集瀟湘逢故人慢 題俞子政

小像瀟湘逢故人慢 和楊孟載詠塵望湘人 和楊孟

載詠簾燭影搖紅 前題前調 詠瓶中芍藥解語花 瓶

中欒枝解連環 瓶中碧桃薄倖 柳湖雅集贈李姬望

海潮 柳湖再集又贈李姬卽以嘲之前調 次韻 閨思

沁園春 七夕大酺 送王白虹南歸重飲西河酒肆大

醜 次曹顧菴韻爲芝麓先生壽賀新涼 三闕 歲杪聞

客有品題青樓者借水修方貽同賦卽用水修韻多

麗 癸丑七月朔雨中將之潞河值槎度柱峯予正南

歸畱此惜別夢楊州

稽留山人集第二十一卷

詩餘五十二首

武水陳祚明詹倩甫著

生查子

秋思

三千里外人寂寞他鄉客夢去向誰邊一片飛來石
谷
口暮霞明湖上秋雲白正好不思歸底戀長安陌

點絳脣

春晴和方貽

月遇陽三節過燕九冰開了風微簾悄春暖今年早
狹
巷萋萋又綠王孫草鶯花少不歸應戀日是長安好

菩薩蠻

官齋夏日

官齋大暑羈人久晝閒對卧搔蓬首數起立徘徊清風扇

底來 沈沈紅日駐不肯西流去屈指到鄉山誰知日似
年

杏園芳 初秋

風光又早初秋燕山不是杭州平湖在眼月當頭弄扁舟
夢中欲往烟波濶年年只有離愁銀河爛爛路悠悠莫
登樓

又 無題

鶯啼薊北何天酒中容易春殘去年飲罷又今年約盤桓
道來盼得斜陽沒從容衣衷翩躚迷糊醉眼燭光偏認
神仙

出塞 無題

燈下坐怕夢今宵遲卧風透窓櫺殘紙破半影燈花大
酒得醉時且過淚逐心頭潛墮我與影兒長兩箇歌罷誰
酬和

杏花天 無題

梅花時節朦朧月翠幕裊紅爐頻撥洋洋遞盞低低說去
也更殘燭滅 柰差池石榴花發人似舊綠罇重設莫辭
醉頰紅潮熱不飲空辜綠髮

浪淘沙

正月十一日于天錫招同看花小飲坐有王
校書陸水修賦小令三闕依韻奉和因以惱
之

又近上元時春到梅枝障風小閣畫簾垂
几交牀花影亂屣履參差生熟漫狐疑
鬢鞞衣靡何來國色步遲遲
是否章臺曾避路驄馬驚嘶

又

酒影燭花紅髻滑釵鬆窺臣未許嫁
牆東打馬因嗟人薄命塹落花驄
憐惜有詩翁一曲春風遺簪墜珥
暫追從不淺當年風月興心似秋蓬

又

無語向人前衆客喧闐低頭遮莫覷
雙彎逗得嬌羞情脉脉頻掠雲鬢
心曲句中傳流水青山西河柳下試
停鞭花事三春須簡點莫待開殘

河傳

無題

客舍房櫳日華明殘暑秋風未生錢塘
此時湖水平盈盈翠荷花影清堤外湖
心亭苑小山色繞空碧玲瓏曉憶鄉關
何日還雙峯六橋掩靄聞

又一體

賀敬庵娶妾

多麗筆牀翡翠星渡明河不須烏鵲
駕橋過織阿漾微波夜闌草奏篝燈起
鷄鳴矣鬢影如秋水清卿正合喚卿
卿低聲怕人窓外聽

一剪梅

題烹茶圖

似掌花飛暝色天小舍紅爐獸炭初爇頻呼小玉掃瓊瑤
酒渴相如未倦開編不美人間第一泉勝雪龍團棧際
唇邊鬪茶應勝陸鴻漸梅下香傳詩上心傳

天仙子 詠折枝海棠

幽意海棠誰愛爾一枝宛似臨秋水膽瓶持貯近爐烟燈
影裏微風起一蓓鷄冠相映紫小室平窓留客子三徑
新遷迷故里堂前幾級綠莎堦秋雨已鳴屐齒冉冉媽紅
迎眼喜

又 題開卷圖

蘭室疏窓書映竹碧紗日射芸編綠風吹鬢影睜明眸

倦束人如玉賦得盤中詩倩讀 劒葉盈盆花箭蠹藕絲
襦褌交牀促雁來時節愛秋容清酒熟紅顏馥好是新涼
天氣肅

師師令 雨中過鄰寺作

廉纖春雨正庭榆筴吐千條百貫鞞青錢含濕翠模糊難
數欹枕匡牀飛夢阻盼滄江南浦 雲橫波委家何許驟
窓櫺風怒疎疎析析耳邊鳴魂獨轉微茫一縷鄰寺陰岑
通玉宇聊覓銜杯語

一叢花 題灌花圖

春光駘蕩費春風爛熳吐花叢小亭畫檻攜傾國山眉淡

薄映顏紅句撚吟髭絃拋琴指取酒憶郛筒 應憐花渴
與人同憔悴若爲容清泉碧澗雙鬟汲歎壺小濺雪濛濛
有日含毫賦清平調上苑露華濃

驀山溪

水修有十香詩贈郭校書香童伯旂賦小令
紀之依韻屬和

綠窻小屋春暝天如醉把酒看姬人杯影浸遠山淡翠低
鬟斜坐默默兩無言東風靜玉肌香暗遞絲絲氣 盈盈
年少不作麻姑戲名士悅傾城道占斷秦樓十二投將新
句細認燈前字詩十首句終時餘韻名兒是

意難忘

無題

朱邸烟收愛天街夜月露冷風淒衰楊疎影瘦寒草短條

齊衣袂濕帽檐低躑躅馬頻嘶隘巷深誰家對月悄靜空
闌 吹簫怨咽微微漸隨風度耳似訴分攜關山絲遠道
燈火澹虛帷眠未可醒偏迷髣髴有人歸是紙窻搖花亂
竹月轉牆西

滿江紅

訓宋楚玉

人物雲間齊名舊廣平三子美伯也庭前龍種渥洼千里
舉國爭稱任氏聖伊誰能識靈光字待文成競寫價頻增
三都紙 西州淚華堂圯東都路柴車止記當年罇酒初
逢燕市傍若無人相泣罷惠而好我悲歌起到重來誰爲
薦雄文相如似

碧芙蓉

予會稽女子

漏短燭殘時孤館夜深人似秋籜腹負將軍儘焚琴烹鶴
從嫁與秦箏罷撚鎮隨他征衫厭著賦終風暴總有恩情
祇暫時歡謔倉庚醫妬婦莫道少分羹臙怒日喚顏忍
薄軀孱弱向茆店鷄聲人睡蘸霜毫燈昏淚落自吟誰和
千古憑弔今如昨

滿庭芳

豔詞

帳舞鴛鴦衾翻翡翠金貓緝縷烟浮羅襦初解鄉入是溫
柔撚處桃花放也歡無那柳蹙眉收佯低問儂年二八兀
是破瓜秋全羞傾側緩慵垂雪腕嬌轉星眸更欹斜花
骨軟索人休怪覺昇天欲去攬衣起窓透涼颼涼颼惡半
遮紅袖弱泥不擡頭

又

閨思集字

景破微霞鷓鴣侵曙並影檐際交欹人遙書斷歸信隔冬
期楚簾紅茵睡歇連衣卧鬟裊裙披憑星眼添潮沁粉身
怕藥難支游移仍欲共如臯對面歌唱相隨悵園蕪階
蘚紙折箋辭覆戶懸蘿靄靄君安在寂靜虛帷河橋迴堤
梢帆渺半峽凍青芝

倦尋芳

邸中春日卽事集字

素餐共飽深室紅窓檢題攜硯促景添長森秀草芽初絢

隔家園探鄉信孤山峽淺垂莎徧漫橋梁看磯濱綴雪浪
痕搖練柴關已蘭雕笋密曙起扶筇萼殘銜燕遠浦朝
雷逗響遙趨蘆岸樵隱自拋南陌約但搔鬢髮蕭蕭變送
諸君弄輕航蓼灘荷片

雪梅香

甲會稽女子

走荒驛陰房食宿懟紅顏抱衾裯實命那堪碎玉焚蘭夫
壻虬鬚衣金甲女君蠶目恚青鬢悄燈獨夜慘無人知我
辛酸眠難穩披衣竊覷筆牀淚點闌干小壁新泥賦詩
灑墨斑斑字字蠅頭散碧血喁喁螭首蹙春山耶溪何處
夢家鄉雲際沙灣

漢宮春

丁未臘月和水修燕
山立春用渭南韻

短律無春正車迴雪巷馬立冰川青陽漸移斗柄春到寒
瑣同鄉吟侶聚殊方分染詩牋思放棹西湖綠水東風凍
解溶然似我年年歲歲但寒依鄒谷曉看燕山幾回灞
陵芳草日送歸鞭春盤生菜喜今朝故友窓前同是客主
人將酒醉吟休問青天

又

水修有和六斤詩殊見賞歎
再填前闕之作依韻又和

送臘邀春疊五言八句書向燈前君來強君相和思秘詞
妍一罇合坐指鄉人殘歲天邊水修和予詩有一罇殘陽
臘夕合坐故鄉人之句
春句何人不賞興濃更弄濤牋忘却燕山客邸覺陽回

律蚤人爲情遷笑遞杯香漱漱燭影娟娟深宵且飲算明
晨暝任安眠要重賦旅吟百首都教洛下爭傳

燭影搖紅

和楊孟載詠簾

誰擘湘筠絲絲裊裊和愁織淚痕稠疊颺東風界破花陰
直惆悵烟輕雨密有朦朧雲屏人立依稀渾似老眼看花
霧中難識猶記年時西湖西去高橋北紅鴛織小露雙
彎掩映藏春色欲見何由可得似雲間迢迢月出憑教問
取情是若爲卿須憐恤

又前題

綺閣傷春徐來倚戶窺春色柳陰花暝柰何天近清明時
節到眼添人悽惻倩蝦鬚低垂深黑波紋演漾不上金鈎
東風無力蕩子誰家休言再顧傾人國人遐室邇不教
通正使陽城惑虛費尋消問息似潭中雙雙游鯽溪頭乍
見食已還潭雲蹤難覓

夢揚州

雨中將之潞河值糕度柱
峯予正南歸畱此惜別

雨如絲弄輕寒候入秋時七月燕山黯黯人送將歸潞河
曲鱗波吹起櫓搖劃破琉璃南雲杳滄江路迎人山染青
睂稍別先愁會期記酒琰詩箋二載追隨去矣諸公吾
亦從此此離東郊泥滑淫淫水行傍人那惜漸帷畱贈別
河梁有句馬不聞嘶

燕臺春

豐臺看芍藥

此月年年青村花事人家接町連蹊白瑩紅嫣行行葉簇
柯齊小車茂樹平溪度烟邊水外遙看紫翠孤亭徐到雜
坐參差 會心灑冶流盼模糊酒須似海醉信如泥巡花
獨笑身輕氣暝風微地幕濃雲花翻疊浪人入花迷日將
西道欲歸爭忍香透春衣

無俗念

觀夜

玉虛僊觀閉朱扃濁酒澆寒纔罷霜淡風輕燈漸黯樹影
遲遲下萬里鄉山三更客夢縹緲魂歸乍城邊河上碧波
清浸蓬舍 三年兄弟飄萍東西南北欵欵離愁話食缺
衣單人漸老可惜朱顏凋謝報曉鷄高催更鑼急月色溶
溶夜無人獨枕淚比春江初瀉

瑣窓寒

戊申元日燕山
旅舍病中作

獻歲詩和春暉萬戶鳳城佳麗花牋綵勝簾影東風搖曳
狹邪長笙歌競聞裂天爆竹聲如沸望玉墀簇仗千官朝
賀慶昇平世 雲氣靈臺上有太史占祲總書祥瑞禴衣
美食歡樂九衢三市瑣窓寒白首低垂藥爐湯捲風濤細
炭微紅瘦靨生暄盡日烘殘淚

絳都春

睡起

無聊睡起忽記得當時去家時節車馬在門書劔裝成愁

摺疊今朝真箇長征也情脉脉有人悲咽眉梢眼際淚同
愁閣何曾得說 凝視夫君無語倚妝臺斜睨魂兒飛越
侍女低催且向堂前話離別儘推還住心驚怯怕瘦曲情
腸先絕已將石作身軀亭亭立歇

又 詠天燈和顧且菴

天街乍暗正霧隱初昏千門月小零亂明燈齊轟朱竿薄
雲表紅紗細竹懸風裊看不定高低繚繞牆頭屋上簾閒
花際翠樓深悄 歷歷高榆夾路映春星萬個玉河澄皎
流水如車馬似游龍狹邪道人歸醉眼朦朧好看素影分
攜多少答天謝地密意絲絲誰曉

慶春澤 無題

不覺馳暉朝朝晚晚今來總異當年衰鬢如蓬雞皮無復
朱顏從常飲酒尋花侶會面時驚我慊慊論形骸因甚寒
灰槁木堪憐 虛窓白紙青簾坐蒲團日日小篆微烟記
取前時醉狂草藉花眠傲傲屢舞情無柰論過情人豈易
情遷不多時正好韶光頓付積川

疎簾淡月 閨思

銀缸半滅綠焰影微微屏間窓際香燼薰籠烟薄寒威侵
被夫君何處秦樓煖抱溫柔脂香眉翠能禁寂寞傍人惟
影一般憔悴 記往日闌干同倚曾指雙星說盟說誓比

目連枝長愿生天生地朱簾不改還深閉聽誰家笙歌如
沸教人但有綿綿此恨峭寒天氣

解語花

詠瓶中芍藥

長林暗綠短砌殘紅初夏韶光薄蘭皋蠶曼尋芳去妖豔
遍開芍藥明霞丹臚鬪錦綺江頭新濯近五雲瑞靄繽紛
照耀鱗疇錯隨處分行布萼競嫣紅媚紫畫棟朱閣冶
遊出郭香塵動更有鈿車珠箔數枝剪取誰贈我伊其相
謔待夜來綵筆題詩試比清平樂

瀟湘逢故人慢

正月十三夕招同人米園雅集

燕山作客有三吳勝友二浙名流送殘臘驚新歲淒涼長

缺落魄烏裘良辰燈夕稅名園約伴同遊乍攜手且持綠
醕杜康勸我忘憂老將至人多病對諸公自嗟華髮盈
頭促席話綢繆喜主共雷陳客盡枚鄒鄉山不見但南枝
越鳥相求傳柑醉悲歌燕市何如湖上扁舟

又題俞子政小像

君家元亮愛把菊東籬琴清酒曠道阿舒疎放看志讀山
經詩吟刈稻紙筆常拈彷彿是羲皇以上記三年自祭文
成宿草幾人悲愴栢蕭蕭楊莽莽嗟四海囊空倦游誰
傍儘淒涼客況有睂目清揚鬚髯蕭散抱膝長吟美風度
名家元暢但閒來寫幅青山似我故人無恙

解連環 瓶中鬢枝

費春狼藉早風梳露沐漸催妝罷做上林媚景韶光遍遠
近臯原高低亭榭獨喜鬢枝繁花吐爭枝無暇總鋪英襯
萼朶朶雙圓綠讓紅亞 扶疎海棠枝罅但檀心翠茁異
種堪訝亂插無數花鬚鬪馥郁芳菲氣藹蘭麝剪插瓶窓
休妒取占春今夜伴書齋瘦人燈影歡娛纔乍

望湘人 和楊孟載詠塵

正三條九陌風細日晴禁烟時節天氣馬踏平蕪車爭狹
巷草軟大堤沙膩游颺飛空非烟非霧撲人衣袂共輕盈
落絮游絲入戶穿簾難蔽 惆悵京華歲歲嘆素衣頻浣
朱顏憔悴何處有歌聲遮莫雕梁飛墜朱樓曉起慵梳寶
髻那更鏡臺深翳晨光照一隙斜明歷亂愁心同碎

望海潮 柳湖雅集贈李姬

佳人絕代教坊第一可知名下無虛金谷勝游蘭亭祓禊
臨流暫駐香車細柳學眉疎看粉輕瑩白脂薄含朱悄語
香脣緩舒纖手勸屠蘓 茂陵誰是相如柰招邀估客調
笑金吾最愛詩人恰逢雅集日斜欲去踟躕蓮臉淚模糊
嘆此筵此夕風散雲徂倘到臨邛伴人滌器願當壚

又 柳湖再集又贈李姬
卽以嘲之次前韻

爲時有幾頓交新夏畫樓登眺臨虛勝地不常盛筵已再

共迎長者高車梓澤會無疎喜人多枚馬交匪蕭朱共約
名姬仍開蘭席侍髣蘇今宵爲樂何如又誰家促召疑
是欺吾小衛門前紅鴛鏡裏騰騰去不躊躇素紙暗窸糊
任巫山不見行雨他徂我本無心醉來空臥酒邊壚

薄倖

瓶中碧桃

是桃開遍剩灼灼花嬌葉蒨誰蘸著嫣紅徐剪取巧簇千
層辦亞東園深綠叢中離迷弄態低枝顫算醉蝶鬚垂困
鶯聲老況是簾櫳人倦自洞口漁翁去滔滔下水將春
餞爭得畱春住教春和我商量作賦拈毫硯愛膽瓶斜鞞
天天少好依稀重向天台見移燈看影不道沈沈漏換

沁園春

閨思

豈不思歸知君亦是薄衾孤枕向客館牀頭疎燈影壁欲
眠還坐燭銷香燼伸紙裁詩調絲度曲繪銀河墜清景
獨不見一心兩地劔寒梭冷綺窓月斜花另看不語坐
巢燕暝數今歲秋期當年社日來來去去畫簾人靜敢怨
黃昏但催翠鳥到萬里君邊遞書信君知否自從別後不
養不寢

賀新涼

次曹顧庵韻爲
芝麓先生壽

有道誰能卷正生嵩岳神佐命救時天遣百歲先憂宐後
樂淚爲蒼生長法謀社稷手胼足繭戰伐初基開禮樂造

乾坤莫問蓬萊清淺煉石補神功展
兩朝亞相勲名顯
起疲癯元臣稷契良醫盧扁萬里空村耕鑿徧漸有桑麻
鷄犬因封事田租頻免歷試明刑兼詰武更秩宗三禮寅
清典作繪繡袞衣剪

又

暇卽開書卷但臨文六經貫穿百家驅遣水涌泉飛山岳
動垂露毫端秋泫舒十幅長牋雪繭轅謝凌顏追屈宋

真笑江淹才淺聲振集大成展
更憐才闡幽令顯

濟川舟登仙許共春颿題扁下士龍門叨附驥願竊比淮
南雞犬逢洗沐良辰朝免便愛酒徒邀命竿肯罇空不惜

驪裘典紅燭爛青蔬剪

又

雲出隨舒卷憶蓴鱸投簪欲去君恩不遣學易年來纔幾
載筆泚韋編朱泫小天下大圍一繭整頓功完還辟穀任
逍遙尚覺南華膚淺爰立命經綸展
分明麟閣圖形顯
問鄉園蕨芽紫曲豆萌白扁綠野安危身尚繫未許戀桃
源鷄犬三入相翻愁不免黃髮中書經累考有謨謀傳作
唐虞典芝可採茅堪剪

大酺

七夕

正宿雲輕廉纖雨道是人間七夕鳳城樓閣迴有衝泥驪

馬狹邪朱陌衣撲墻苔鞭梢斥柳戶外過頭纔尺閒庭無人處見霓裳素帶粉香脂澤自沈李副瓜候星邀月怨單愁隻眉低鴛瓦窄乍相覷星眼通檐隙知否是金針線度玉盒藏蛛網絲抽細黏徐繹盡道天孫巧偏乞與綺窻蘭席但遙望雙眸盼相思相向空裏銀河猶隔鵲橋乍填木石

又送王白虹南歸重飲西河酒肆

看柳絲輕朝烟淡却送行人去也暗塵生隘巷正初分衣袂小嘶征馬君載愁歸我添病在春色惱人平野入門人不見有湘簾素几屏風瀟灑待遣興蠲愁舊遊何處柳邊河下昨來纖手把旗亭近酒共詩無價沈醉後箕踞坐嘯白眼行吟擬重遊未逢清暇今日還臨曉依舊有雲山如畫但風起澄波動嫩楊青影滲入鱗鱗萍鱗此時怨誰知者

多麗

歲杪聞客有品題青樓者借水修方韻同賦即用

儘朱欄東風楚館辭寒有何人狹邪漁色情苗遍種花田待都來瘦肥襍選憑囑付黑白袞彈芍藥交貽海棠未詠伊誰國色藉深憐亦自有梅花占早獨立倚芳筵年來怕羣空冀北不耐多看論佳人燕姬趙女由來絕世稱妍笑張八生疎舊態博柳七宛轉新篇冶葉倡條而今零落

青樓何處覓嬋娟況復是星星白髮人又度殘年南北舍
一時佳話只任人傳

跋

嗟乎吾弟已矣生平所抱負一不見於世悒鬱旅居三四
千里外謀八口衣食歷二十年之久再出不歸竟以客死
嗟乎已矣死之日囊無餘貲架上唯敝書數十百卷凡其
所撰述次論丹黃甲乙者皆在墨淋漓筆縱橫盈箱累篋
多不易卒讀同人見者遂鑿金先梓其自撰集而顧且庵
侍御爲之鳩工庀材校讎而論定嗟乎吾弟卽以此傳千
秋定不朽庸詎非知己之力哉顧吾弟如是已矣三不朽
立言最下而詩古文詞尤其小焉者也曩吾家兄弟抱志
節蘄有所樹立於天下窮愁不遇而後迺今托興於文章

卽吾弟二十年以前其所爲詩古文已無慮數千首客京華用賣文爲活所作日萬言隨手輒散去十不存一二牀頭藁尙盈尺又况其他今所梓詩文詞纔二十四卷耳而文三卷猶未成劖劖工不易竣顧迫於就正之懷先以此問世嗟乎吾弟所傳者不第詩而詩亦不止此藉弟令四方君子更鑿金俾盡梓其文以漸及其凡所撰述論次丹黃甲乙之書洋洋灑灑幾數十百卷裒然成大觀豈顧不幸獨吾弟生平所抱負終已不獲見於世爲可惜耳集初成旣問序於諸公而重傷吾弟之志因跋其後如此執筆滄零不自知其言之無擇也

康熙丙辰仲秋望日麗明跋



